

Samostalna zastupnica - Elza Gaković

Sarajevo, 20 .09.2024. godine

ZA:

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

SKUPŠTINA KANTONA SARAJEVO

N/r. Vlada Kantona Sarajevo

N/r. Predsjedavajućeg Skupštine Kantona Sarajevo

U skladu sa članom 106. i 213. Poslovnika o Skupštine Kantona Sarajevo, dostavljam:

ZASTUPNIČKA INICIJATIVA

Pokrećem inicijativu da se pokrene hitna procedura donošenja privremene Uredbe Vlade Kantona Sarajevo kojom će se nastaviti rad Radionica za radnu okupaciju u JU Zavod za specijalno obrazovanje I odgoj djece "Mjedenica".

Pozivam se na osnovni princip međunarodnih instrumenata I princip nediskriminacije, što znači da osobama s invaliditetom pripadaju sva prava propisana u međunarodnim dokumentima jednako kao i svakom građaninu. Pored obaveze da uskladimo domaće zakonodavstvo sa međunarodnim normama , obavezni smo da u praktičnoj primjeni vodimo računa koliko su vulnerabilne skupine, kao što su osobe sa invaliditetom, uključene u sistem i koliko im je od propisanih prava stvarno dostupno.

UN Konvencija o pravima djeteta je osnovni međunarodni dokument koji definiše dječija prava. Usvojena je na Generalnoj skupštini Ujedinjenih naroda 20. 11. 1989. godine, a sadrži univerzalne standarde koje država strana Konvencije (tj. koja ju je potpisala i ratificirala) mora garantovati svakom djetetu. U Konvenciji se govori, prije svega, o obavezama odraslih u odnosu prema djetetu kao i o obavezama brojnih društvenih faktora u vezi sa zaštitom djeteta.

Posebno se ističu sljedeći članovi Konvencije vezani za prava djece s potreškoćama u razvoju:

Član 2

2.1. Države strane poštovat će i osigurati svakom djetetu na svom području prava navedena u ovoj Konvenciji bez ikakve diskriminacije prema djetetu, njegovim roditeljima ili zakonskim starateljima u pogledu njihove rase, boje kože, spola, jezika, vjere, političkog ili drugog uvjerenja, nacionalnog, etničkog ili socijalnog porijekla, imovine, teškoća u razvoju, porijekla ili kakve druge okolnosti.

Član 23

23.1. Države strane priznaju da dijete s teškoćama u razvoju treba voditi ispunjen i pristojan život u uslovima koji garantuju dostojanstvo, jačaju djetetovo oslanjanje na vlastite snage i olakšavaju njegovo djelotvorno učestvovanje u zajednici.

Također iniciram donošenje zakonskih normi kojima će jasno biti definisan rad radionica u zavodima ili specijalnim ustanovama u budućem periodu sa definisanim pripadajućim pravima djece I odraslih sa invaliditetom I poteškoćama u razvoju.